



金石文字記序

余自少時即好訪求古人金石之文而猶不甚解及讀歐陽公集古錄乃知其事多與史書相證明可以闡幽表微補闕正誤不但詞翰之工而已比二十年間周遊天下所至名山巨鎮祠廟伽藍之跡無不尋求登危峰探窈壑捫落石履荒榛伐頽垣畚朽壤其可讀者必手自鈔錄得一文爲前人所未見者輒喜而不寐一二先達之士知予好古出其所蓄以至蘭臺之墜文天祿之逸字旁搜博討夜以繼日遂乃抉剔史傳發揮經典頗有歐陽趙氏二錄之所未具者積爲一帙序之以貽後人夫所招之詩誦于右尹孔

裡之鼎傳之戴記皆尼父所未收六經之闕事莫不
增高五嶽助廣百川今此區區亦同斯指恨生晚不
逢名門舊家大半凋落又以布衣之賤出無僕馬往
往懷毫舐墨躑躅於山林猿鳥之間而田父僮丁鮮
能識字其或褊於聞見窘於日力而山高水滾爲登
涉之所不及者即所至之地亦豈無挂漏又望後人
之同此好者繼我而錄之也東吳顧炎武序

金石文字記卷之一

商

比干銅盤銘

今在汲縣北十五里比干墓上衛輝府志曰周武
王封比干墓銅盤銘碑石殘斷字畫失真萬曆十
五年知府周思宸重摹汝帖立石於墓前薛尚功
鐘鼎欵識言唐開元中偃師縣土人耕地得此盤
篆文甚奇古其釋文云左林右泉後岡前道萬世
之藏茲焉是寶一作前岡後道藏一作靈一作寧
茲一作於寶一作保今考之張邦基墨莊漫錄曰
政和間朝廷求三代鼎彝器程唐爲陝西提點茶

馬李朝孺爲陝西轉運遣人於鳳翔府破商比干墓得銅盤徑二尺餘中有款識一十六字又得玉片四十三枚其長三寸許上圓而銳下潤而方厚半指玉色明瑩以盤獻之於朝王雷秦州軍資庫道君皇帝曰前代忠賢之墓安得發掘乃罷朝孺退出其盤其玉久在秦庫近年王庶知秦州日取之而去邠寬居之嘗見之爲余言之然則此碑之得自鳳翔不自偃師即其爲何代之物不可知而比干殷人必無葬鳳翔之理也疑以傳疑姑存之編首云爾

周

石鼓文

石鼓凡十相傳爲周宣王獵碣今讀其文皆淺近之辭殊不及車攻吉日之閎濶也金史馬定國傳言石鼓自唐以來無定論定國以字畫考之云是宇文周所造作辨萬餘言出入傳記引據甚明楊用修慎最稱好古而亦曰宣王之世去古未遠所用皆科斗籀文今觀說文所載籀文與今石鼓文不同石鼓乃類小篆余獨以其辭不足儕于二雅而疑之今在京師國子監先師廟戟門左右有元潘迪音訓韓退之石鼓詩陋儒編詩不收入二雅編迫無委

蛇今讀此詩但有鋪張而無意味其有一章之可
幾於二雅哉若岫嶁碑詩不知何所據而作注引
盛宏之荊州記曰南嶽周迴數百里昔禹登而祭
之因夢玄夷使者遂獲金簡玉字之書徐靈期南
嶽記曰昔禹導水通瀆刻石書名山之高而退之
因此作詩其辭曰岫嶁山尖神禹碑字青石赤形
摹奇科斗拳身薤倒披鸞飄鳳泊拏虎螭事嚴跡
必思莫窺道人獨上偶見之我來咨嗟涕漣沔千
搜萬索何處有森森綠樹猿猴悲則是不獨自韓
以前未有見此碑者即退之亦未之見也至宋嘉
定壬申有何致字子一者始得之祝融峰下手摹
以歸及衡山令搜訪已迷其處字奇而不合法語
奇而不中倫韻奇而不合古可斷其爲偽作而無
疑也

吉日癸巳

世傳周穆王登壇山刻此四字於石金石錄以爲
三代時所用皆古文科斗書而此乃類小篆疑而
未信今壇山在贊皇縣東北一十五里而此石已
移置縣之儒學戟門西壁

鼎銘

今在丹徒縣焦山寺中鼎高一尺三寸二分腹徑
一尺五寸八分口徑一尺四寸五分耳高三寸濶

四寸二分足六寸一分深八寸二分銘九十三字皆古文蝕一字外為雲雷之形其文曰維九月既

望甲戌王各古格字于周丙子丞于圖室司徒南中古仲字

右古嘉字世惠僉立古位字中廷王呼史端册令古命字世惠曰

宣治佐王頗側弗作錫女古汝字元衣束帶六琫戟縞

鞞彤矢鏿勒鑿旂世惠敢對揚天子不古丕字顯敬休

用作尊鼎用享于列考用周簋壽萬年子孫永

寶用

朱彛尊曰鼎銘其人莫考曰王格于周曰司徒南

仲殆周時器也其曰立中廷按毛伯敦銘文亦有

之薛尚功釋為立而周禮小宗伯掌建邦之神位

註故書作立鄭司農云立讀為位古者立位同字

古文春秋經公即位為公即立則是銘曰立亦當

讀位也

吳季子墓碑

唐大曆十四年潤州刺史蕭定重刻在丹陽縣延

陵鎮吳季子廟越絕書曰昆陵上湖中冢者延陵

季子冢也古名延陵墟即其地也後人又摹刻於

縣南門外驛前

元吾邱衍學古編曰按古法帖止云嗚呼有吳君

子而已篆法敦古似乎可信今此碑妄增延陵之

墓四字除之字外三字是漢人方篆不與前六字

合且音君字作季字漢器蜀郡洗郡字半邊正與此君字同用此法也以季字音顯見其謬比于墓前有漢人篆碑亦有此說洪氏隸釋漢隸字源辨之甚明此不復具

秦

泰山石刻 李斯篆

金石錄言劉跋作秦篆譜凡一百四十四字金薤琳琅言宋莒公墓本僅二世詔五十一字今所存惟臣斯臣去疾御史夫臣昧死言臣請具刻詔書金石刻因明白矣臣昧死請二十九字在嶽頂碧霞元君宮之東廡而秦安州城內東嶽廟中別刻

一石亦止二十九字其宋本不傳

嶧山石刻 李斯篆

秦刻久亾宋淳化四年太常博士鄭文寶以徐鉉摹本刻之於石在陝西西安府儒學中元至元一十九年重刻者在鄒縣治

其文有云功戰日作當是攻字古人以攻功二字通用齊侯罇鐘銘肇敏于戎功作攻周禮肆師凡師不功則助牽王車故書功爲工鄭司農讀爲功古者工與功同字

漢

魯孝王刻石 八分書

金高德齋記曰魯靈光殿基西南三十步有池明
 昌二年詔脩孔子廟匠者於池中得此石其文曰
 五鳳二年魯卅四年六月四日成今在孔子廟中
 五鳳二年者漢宣帝有天下之年也魯卅四年者
 魯孝王有國之年也上書天子大一統之年而下
 書諸侯王自有其國之年此漢人之例也三代之
 時侯國之爲史者則但書本國之年而不書天子
 之年春秋隱公元年者何自魯人書之也秦誓十
 有三年者何自周人書之也

趙明誠金石錄有楚鐘銘曰惟王五十六祀考楚
 惟惠王在位五十七年而論之曰方是時王室衰

弱六國爭雄楚尤强大遂不用周之正朔嗚呼可

謂僭矣楚之僭在王而不在乎自紀其元也春秋

書隱公元年豈亦不用周之正朔者乎

謂之元年猶歲之初月謂之正月非有天子諸侯之辨也

劉原父曰元者始爾君之始年

漢時諸侯王得自稱元年漢書諸侯王表楚王戊

二十一年孝景三年楚王延壽三十二年地節元

年之類是也淮南子天文訓曰淮南元年冬者淮

南王安始立之年也注者不解乃曰淮南王作書

之元年又曰淮南王僭號此殆未讀史記漢書者

矣

又考漢時不獨王也即列侯於其國中亦得自稱

元年史記高祖功臣侯年表高祖六年平陽懿侯
曹參元年孝惠六年靖侯宙元年孝文後四年簡
侯奇元年絳侯世家上言侯建德十三年下言元
鼎五年是也呂氏考古圖周陽侯甌復銘曰周陽
侯家銅三習甌復容五斗重十八斤六兩侯治國
五年五月國鑄第四呂大臨曰侯治國五年者自
以侯受侯嗣位之年數色上反也文選魏都賦劉良注
文昌殿前有鐘其銘曰惟魏四年歲次丙申龍次
大火五月丙寅作蕤賓鐘魏四年者曹操爲魏公
之四年漢獻帝之建安二十一年也

嵩山太室神道石闕銘

八分書

元初五年四月

今在登封縣中嶽廟南百餘步銘八行年月及職
官姓名共十三行完好未圯而其文剝蝕殆半若
少室啓母二所即闕亦就墮矣

其文曰惟中□□嵩高神君□□□□休□最純
春生萬物□寸起雲潤施原流□□□宣竝天四
海莫不蒙恩聖朝肅敬衆庶所尊□□奉起□□
盡勤□□功德刻石紀文□顯□異以傳後賢元
初五年四月陽城□長左馮翊萬年呂常始造作
此石闕以後列職官姓名字多漫滅不可識
竝天普天也古人省文

嵩山三石闕不載洪氏隸釋故今錄其全文此三

闕歸然尚在而永叔德父當宋之盛時何以皆未之見則知二錄所不及載者固多也

開母廟石闕銘 篆書 延光二年

今在嵩山啓母廟南漢避景帝諱改啓之字曰開葉封嵩陽石刻記曰今見存篆書三十二行前題名十行行七字內第三行止六字以少室石闕所列官名參考之則此十行之上無闕文也後二銘共二十二行前銘十二行年月一行每行十二字今止存六字後銘今止存九行每行亦止存六字蓋亾其上一層矣後銘視嵩高志所載又闕四句又曰闕式以石條累砌如墻而闕其中石質甚粗

劣空地間雜刻花紋亦不工細即篆文亦未盡善也內修條二字皆從才

歲屠維協洽莫春予親至廟下視此石闕并叔所謂闕四句者今又得四行二十餘字以文多不能容故轉而刻於其旁仍亾其上一層也

其文曰□□開母廟□□神道闕時太守□□

朱寵丞零陵泉陵薛政五官掾陰林戶曹史夏效

監掾陳修長西河園陽馮寶丞漢陽冀秘俊廷掾

趙穆戶曹史張詩將作掾嚴壽伍左福已上題名□□□

□□□百川柏蘇稱遂□□□□□浩浩下民

震驚□□□□□寫元九山甄旅□□□□□

□漢山辛癸之間□□□□斯民同心濟□
 □□□□替又遭亂秦□□□□馮
 神隔彼飛雉□□□□符瑞靈支挺生□□
 □□□□蘇清興雲降雨□□□□不歇比
 性乾坤□□□□我君千秋萬祀□□□□
 □□銘功昭眡後昆□□□□二年以上重曰
 □□□□德洋溢而溥優□□□□則
 文耀以消搖□□□□皇極正而降休□□
 □□□□芬茲楸于圃疇□□□□木連理
 於羊條□□□□昨日新而累熹□□□□
 □□咸來王而會朝□□□□九域□其修

治□□□□祀聖母虜山隅□□□□
 神□亨而日格□□□□釐我后以萬祺□
 □□□□于□樂而罔□□□□永歷
 載而保之已上後
銘文

重曰二字出楚辭遠遊篇所謂言之不足而長言
 之也井叔誤以為重日而云是年月一行按此一
 行今存六字二年之下重曰之上空石未鐫益明
 其非紀日矣 漢書班婕妤自悼賦文選潘岳寡
 婦賦亦竝用重曰二字

少室神道石闕銘 篆書 今在登封縣西十里邢家舖西距少室山尚十餘

里當是漢時廟在其地

葉封嵩陽石刻記曰凡二十一行行四字其所列

丞薛政等與啓母廟同其爲一時所立無疑也

此闕有銘辭而今僅存二行八字其可辨者五字

又云三月三日而上無年云郡陽城縣而上無郡

名亦亾其上石一層矣其見存之文每行四字曰

□□林芝□□日月而□□□□三月三日郡陽城

縣興治神道□□□□君丞零陵泉陵薛政五官

椽陰林戶曹史夏效監廟椽辛述長西河園陽馮

寶丞漢陽冀秘俊廷椽趙夬戶曹史張詩將作椽

嚴壽廟佐句猛趙始

北海相景君碑并陰 八分書 漢安二年八月

今在濟寧州儒學漫漶

魯相乙瑛置孔子廟百石卒史碑 八分書 永興

元年六月

今在曲阜縣廟中後人刻其上曰漢鍾太尉書洪

氏隸釋曰按圖經云鍾繇書繇以魏太和四年卒

上距永興七十八年圖經所云非也

百石卒史者秩百石之卒史也漢書儒林傳郡國

置五經百石卒史倪寬傳補廷尉文學卒史臣瓚

曰漢注卒史秩百石是也若三輔卒史則二百石

黃霸傳補左馮翊二百石卒史因其秩有不同故

舉其石之多寡以別之水經注載此為後人不通者改作百夫吏卒

杜氏通典刻本亦作百戶吏卒三國志監本同

魯相韓勅造孔子廟禮器碑并陰 八分書 永壽

二年九月

今在廟中碑兩旁竝有刻字

郎中鄭固碑 八分書 延熹元年

今在濟寧州儒學

其文有云逡遁退讓者逡巡之異文也管子桓公
楚然逡遁漢書平當傳贊逡遁有恥斂傳逡遁致
仕周禮司士注王揖之皆逡遁既復位儀禮士昏
禮大射禮公食大夫禮注辟逡遁鄉射禮注少退

少逡遁也聘禮注辟位逡遁又三退三逡遁也又
辟位逡遁又辟於其東面位逡遁也又退為大夫
降逡遁士喪禮注辟逡遁辟位也特牲饋食禮注
辟位逡遁禮記玉藻注俛逡遁而退著屨也皆同
此文顏之推匡謬正俗曰賈誼過秦論九國之師
遁巡而不敢進遁者蓋取循聲以為逡字當音七
均切然余考之古書亦多不同如晏子春秋有二
晏子巡遁而對有云晏子逡循對曰漢書萬章傳
章逡循甚懼外戚傳逡循固讓皆以下字為循而
此碑及漢書禮注又以遁為巡又如莊子忠諫不
聽蹲循勿爭靈樞經黃帝避席遵循而却亢倉子

荆君北面遵俗師首又逡循之異文而王莽傳後
儉隆約以矯世俗師古曰後音千旬反退也其字

從彳則又逡之異文也楚辭九章思美人遷逡次而勿驅兮漢書公孫宏傳有功者上無功者下則羣

臣逡皆碑又書妣為婁與堂邑令費鳳碑同而玉篇

云婁必嬌切女名此又後人之解也

漢人書有遁甲開山圖雷麓漫鈔曰世傳遁甲書

甲既不可隱何名為遁因引此碑證為循甲言以

六甲循環推數也今按遁字古人以代巡字者多

當是巡甲太玄經云巡乘六甲與斗相逢

此碑上有一太孔漢碑多如此劉熙釋名碑被也

此本王莽時所設也施輓轡以繩被其上以引棺

也臣子追述君父之功美以書其上後人因焉故

建於道陌之頭顯見之處名其文就謂之碑也此

後漢時人所見云爾不知周時固有碑矣檀弓公

室視豐碑注云豐碑斷大木為之形如石碑於棹

前後四角樹之穿中於間為鹿盧下棺以綽繞正義

曰綽即縛也鑿去碑中之木令空於空間著鹿盧鹿盧兩頭各入碑木以縛

之一頭繫棺絨以一頭繞鹿盧既訖而入各背碑負縛未頭聽鼓聲以漸卻

行而喪大記君葬用輶四綽二碑大夫葬用輶二綽

二碑又曰凡封用綽去碑負引注云樹碑於壙之

前後以縛繞碑間之鹿盧輓棺而下之此時棺下

窆使輓者皆繫縛而繞要負引舒縱之備失脫也

用縛去碑者謂縱下之時也此劉熙所指葬時施

鹿盧下棺之碑也聘禮賓自碑內聽命又曰東面北上上當碑南注云宮必有碑所以識日景引陰陽也几碑引物者宗廟則麗牲焉以取毛血其材宮廟以石窆用木祭義君牽牲既入廟門麗於碑注云麗繫也謂牲入廟繫著中庭碑也雜記宰夫北面於碑南東上此注豕所指在宮廟之中一爲賓揖之碑一爲麗牲之碑者也碑之字本從石窆用木者取其便於事也其見於西漢人之書者淮南子盧敖見若士遯逃乎碑注曰匿于碑陰是也孫何碑解曰何始寓家於潁嘗適野見荀陳古碑數四皆穴其上苦貫索之爲者問故起居郎張公

觀公曰此無足異也蓋漢去聖未遠猶有古豐碑之象耳後之碑則不然矣子見漢碑皆高不過今之三尺餘可用以麗牲以水爲之可用以引棺今既失其穿中之制而碑之高大乃無限度與古人之碑名同而體異也

楚相孫叔敖碑并陰 八分書 延熹三年五月

拓本

此碑見於水經注言在期思縣城西北隅楚相孫叔敖廟前然作文之人似不曾見春秋史記者其文云叔敖爲相庶人有曾閔貞孝之行叔敖相楚莊王乃魯宣公時而曾閔二子魯定哀間人當楚

昭王惠王之世援後贊前已為不順又云繼高陽重黎伍舉子文之統則大可異伍舉乃靈王時人在叔敖後四五十年而邲之戰叔敖所斥嬖人伍參即舉之父乃云繼其統何耶又云仕于靈王又云卒而莊王封之按春秋莊王子共王共王子康王靈王今反以靈王在莊王之前可謂目不知書者矣

碑云楚相孫君諱饒字叔敖馬驕曰左傳宣十一年今尹蔦艾獵城沂杜氏注蔦艾獵孫叔敖也不名饒

冀州刺史王純碑

八分書

延熹四年十二月

拓本

泰山都尉孔宙碑并陰

八分書

延熹七年二月

今在曲阜縣廟中按後漢書孔融父宙泰山都尉

非也當依碑作宙

三國志注引續漢書亦作宙

其名宙者別自一人

董卓傳以陳留孔宙為豫州刺史

袁紹滅洪傳同

符融傳薦

達郡士范冉韓卓孔宙等三人三國志魏武帝紀

豫州刺史孔宙注引英雄記宙字公緒

鄭太傳孔公緒清談高論噓枯

吹九州春秋作胃乃獻帝時人宙事略見許靖傳

此泰山都尉乃融之父耳又韓勅碑陰出錢數郎

中魯孔宙季將干

王宏撰曰漢碑陰無額獨此有篆門生故吏名五

大字書法視前碑微異當別是一手

西嶽華山廟碑 八分書

此爲漢延熹八年四月甲子前宏農太守汝南袁逢所立曾遷京兆尹後太守安平孫璆遵而成之者碑舊在華陰縣西嶽廟中嘉靖三十四年地震碑毀華州郭胤伯有此拓本文字完好今藏華陰王無異家其末曰京兆尹勅監都水掾霸陵杜遷市石遣書佐新豐郭香察書東漢人二名者絕少而察書乃對上市石之文則香者其名而特勘定此書者爾漢碑未有列書人姓名者歐陽叔弼以香察爲名殆非也勅者自上命下之辭漢時人官

長行之掾屬祖父行之子孫皆曰敕考之前史陳咸傳言公移敕書而孫寶之告督郵何竝之遣武吏俱載其文爲敕曰他如韋賢丙吉趙廣漢韓延壽王尊朱博龔遂之傳其言敕者凡十數見後漢書始變爲勅而後人因之

文字曰敕古勅字今相承皆作勅惟整字從此

何曾傳人以小紙爲書者勅記

淮南子重九勅注勅音整形也六朝時敕字多改作勅故因之而變五經

室勿報則晉時上下猶通稱之也至南北朝以下則北字惟朝廷專之而臣下不敢用故北齊樂陵王百年習書數勅字而遂以見殺此非漢人所當忌也且蜀之秦宓字子勅見於國志矣歐陽公錄魯相韓勅脩孔子廟器碑乃疑自古人臣無名勅

者而陸德明言此俗字也字林作敕允伯以為其
來旁從力者別音賚故魯相得名焉則不知此碑
之作勅者又何說也

沛相楊統碑孝以勅內仙人唐公一房
碑勅尉部史收公房妻子皆此勅字今尚

書臯陶謨益稷康誥多士詩楚茨易噬嗑大象之

文竝作勅而周禮樂師詔來瞽臯舞注云來勅也

勅爾瞽率爾衆工奏爾悲誦肅肅雍雍毋怠毋凶

鄭康成漢人也其訓來為勅又何哉其曰左尉唐

佑按百官志尉大縣二人小縣一人故橋玄補雒

陽左尉此言左尉亦以縣大而設之兩尉與史書

合

濟陰太守孟郁堯廟碑韓勅孔廟後碑敬阮君碑張公神
碑三公山碑無極山碑皆有左尉厥俗通自武當左尉

又郡國

志宏農郡下云華陰故屬京兆建武十五年屬而

此碑袁府君逢先為宏農太守後遷京兆尹故所

書丞尉一為河南京人一為河南密人主者掾則

華陰人漢時丞尉及掾俱用本郡人三輔郡得用

他郡人宏農在後漢為三輔故得用旁郡人為丞

尉而京兆尹所遣掾佐一為霸陵人一為新豐人

則客也故別書於下而言京兆尹勅遣之以著袁

君之已遷官而不忘敬于神也使其在本郡之官

與掾則市石察書有不必言者矣又律歷志有太

史治歷郎中郭香豈其人歟子曰可與言而不與

之言失人因書之以遺無異而又惜允伯之不獲

同時而論正也

婁機漢隸字源曰按繁陽令楊君碑陰有程勅則在漢非獨韓名勅也勅雖本音徠說文勞也考之碑韓字叔節鄭字伯嚴其義非勞徠之徠當讀為飭漢碑范史多用勅字蓋是時上下皆通用初無拘也

考之博古圖諸書有孝成鼎銘曰工王褒造左丞輔椽譚守令史文省大官銅鐘曰考工令史古丞或令通主太僕監椽蒼省綏和壺曰椽臨主守右丞同守令寶省士林鼎曰工史榆造監工黃佐李負芻言省言監即察書之類也

孝宣本號中宗而此碑乃作仲宗按孝廉柳敏碑

五行星仲廿八舍極宿之精是亦以仲為中也

以孝武之求神仙為登假之道按列子黃帝篇曰

天下大治幾若華胥氏之國而帝登假周穆王篇

曰穆王幾神人哉能窮當身之樂猶百年乃徂世

以為登假焉莊子德充符篇曰彼且擇日而登假

大宗師篇曰是知之能登假於道也若此蓋以為

千歲厭世去而上仙之意按曲禮告喪曰天王登

假鄭氏注曰登上也遐已也上已者若仙去云爾

是漢人之解登假皆以莊子之言為據也

竹邑侯相張壽碑 八分書 建寧元年五月

今在城武縣土人截為後人碑跌止存二百餘字

冀州從事張表碑 八分書 建寧元年十一月

拓本

金鄉長侯成碑 八分書 建寧二年

拓本

其文有云滋滋履真者孳孳之異濟陰太守孟郁
修堯廟碑亦以滋滋為孳孳 漢碑未有志其夫
人者此碑末云夫人以延熹十八歲在甲辰十一
月三日庚午遭疾終又郎中馬江碑云夫人窻旬
曹氏終温淑慎咸曰女師年五十五建寧三年十
二月卒此後人作碑并志夫人之始

史晨請出家穀祀孔子碑 八分書 建寧二年三

月

今在曲阜縣廟中

飲酒畔宮者泮宮之異文也益州太守高朕修周
公禮殿記亦作畔宮

史晨饗孔廟後碑 八分書

今在廟中後有武后天授二年馬元貞題名

淳于長夏承碑 八分書 建寧三年六月

舊在廣平府學都太僕穆金薤琳琅謂江陰徐公
擴嘗得舊刻雙鉤其字以惠予與此絕異舊刻闕
字四十五而此獨完好又積行勤約今作勤紹俱
為可疑謂是後人偽作今此碑又亾而嘉靖二十

四年知府唐曜重刻者在漳川書院彌失真矣
衛尉卿衡方碑 八分書 建寧三年六月
今在汶上縣

其文有曰履該顏原兼修季由洪氏以顏原為顏
淵原憲而都太僕以季由為仲由字季路即是一
人與兼修之義不協按史記仲尼弟子傳公皙哀
字季次孔子曰天下無道多為家臣仕於都惟季
次未嘗仕遊俠傳季次原憲終身空室蓬戶褐衣
疏食不厭死而已四百餘年而弟子志之不倦然
則季乃季次也四人皆安貧守道之士故竝舉言
之其一字一名亦古文之所嘗有也

博陵太守孔彪碑并陰 八分書 建寧四年六月

今在曲阜縣

其文有云拊馬者易明夷六于渙初六皆曰用拯
馬壯拯字子夏傳說文字林竝作拊音升一音承

上舉也漢時所傳如此而今作拯者唐開成以後
所定也又按方言拊拔也出休古溺字為拊周禮職幣

注振猶拊也大同從注振窮拊救天民之窮者也

新唐書楊於陵傳拊救貧民用此字又作搵淮南子子路搵溺而受牛謝

注搵音蒸舉也升出溺人則搵與拊同為一字矣

古又有作承者列子使弟子竝流而承之

李翕析里橋廊閣 八分書 建寧五年

今重刻在略陽縣

其文有云醴散關之潮潔者楊用修以醴為釋文

為潮潔為濕是也歐陽永叔集古錄曰後漢熊君

碑其書顯字皆為顯按說文顯從顯聲而轉為累

其失遠矣莫曉其義也愚考累字从日从系乃曰

之省說文顯从日中視絲古文借以為顯字教隄隄陰顯字再見皆作顯而後人寫作田者誤

也古人以濕為潔者不一說文濕水出東郡東武

陽入海从水濕聲他合切漢書王子侯表濕成侯

忠師古曰濕音它合反功臣表駟望侯冷廣以濕

沃公士師古曰濕音它合反功臣表有濕陰定侯

昆邪霍去病傳王莽傳竝作潔陰地理志平原有

潔陰縣而水經濕餘水亦潔字之異文荀子窮則

棄而僂注僂當為濕韓詩外傳作棄而累魏建成

鄉侯劉靖碑隰字作隙惟其以日為田此永叔之

所以疑也

司隸校尉魯峻碑并陰 八分書 熹平二年四月

今在濟寧川儒學

石經 八分書 熹平四年

子兩見此本一於鄒平張氏一於京師孫氏尚書

盤庚篇三十餘字論語為政篇七十餘字堯曰篇

三十餘字以視洪氏隸釋所存不過什之一而已

按三體石經漢魏皆嘗立所熹平之立石見於後

漢書靈帝紀蔡邕傳張馴傳儒林傳宦者傳正如
之立石見於晉書衛恒傳而水經注則曰漢碑五
經立於太學講堂前悉在東側碑上悉刻蔡邕等
名魏正始中又立古篆隸三字石經魏初傳古文
出邯鄲淳石經古文轉失淳法樹之於堂西石四
十八枚廣三十丈雒陽伽藍記則曰堂前有三種
字石經二十五碑表裏刻之寫春秋尚書二部作
篆科斗隸三種字漢右中郎將蔡邕筆之遺跡也
猶有十八碑餘皆殘毀復有石碑四十八枚亦表
裏隸書寫周易尚書公羊禮記四部又讚學碑一
所竝在堂前章懷太子引雒陽記則曰講堂長十

丈廣二丈堂前石經四部本碑凡四十六枚少一西
行尚書周易公羊傳十六碑存十二碑毀南行禮
記十五碑悉崩壞東行論語三碑二碑毀禮記碑
上有諫議大夫馬日磾議郎蔡邕名此皆當時親
見其石而記之者也合而考之其不同有四焉一
曰漢五六七經之不同二曰魏石經三體一體之
不同三曰堂西所立石爲魏爲漢之不同四曰後
魏所存石諸經之不同後漢書本紀儒林宦者傳
皆云五經蔡邕張馴傳則以爲六經隋書經籍志
又以爲七經此言漢五六七經之不同也衛恒傳
言魏初傳古文者出於邯鄲淳至正始中立三字

石經轉失淳法因科斗之名更效其形水經注亦云三字石經在堂西而伽藍記以為表裏隸書隋書經籍志則謂之一字石經矣然則所謂效科斗之形而失淳法者安在耶此言魏石經三體一體之不同也金石錄曰漢石經蔡邕小字八分書後漢書儒林傳序云為古文篆隸三體者非也蓋邕所書乃八分而三體石經乃魏時所建也伽藍記二十五碑為三種字四十八碑表裏隸書水經注謂漢碑在堂東側而四十八碑為魏經在堂西乃雒陽記不言東側有碑而云堂前有四十六枚上有馬日磧蔡邕名又不言字之為三體一體無乃并水經之所謂魏者而指之為漢歟此言堂西所立石為魏為漢之不同也伽藍記云周

易尚書公羊禮記四部雒陽記則多一論語而趙明誠金石錄言其家所收又有詩儀禮苟非其傳拓之本出於神龜以前則不應以宋人之所收而魏時猶未見也此言後魏所存石諸經之不同也凡此皆不可得而詳矣若夫魏書注式傳謂魏三字石經立於漢碑之西為邯鄲淳書則不考衛軍之言而失之者也胡三省通鑑注云魏碑以正始年中立漢書言元嘉元年也及尚命邯鄲淳作曹娥碑時淳已弱冠自元嘉至正於九十餘年謂淳所書也孝靜帝紀武定四年八月遷雒陽漢魏石經于鄴北齊書文宣帝紀言有五十二枚視伽藍記所列東二十五西四十八之數僅失二十一枚耳而隋書經籍志言河陽岸崩遂沒於水

得至鄴者不盈大半則不考北齊之紀而失之者也周書宣帝紀大象元年二月辛卯詔徙鄴城石經於雒陽隋書於劉焯傳言開皇六年運雒陽石經至京師而經籍志則云自鄴載入長安則自不考其列傳而失之者也此皆其乖誤之易見者也又晉書裴頠傳曰轉國子祭酒奏修國學刻石寫經而水經注諸書無言晉石經者豈頠嘗爲之而未成耶今此之本据宋黃長睿東觀餘論云本在雒宮前御史臺中年久摧散雒中好事者時時得之今張燾龍圖家有十版張氏壻家有五六版王晉玉家有小塊子皆得其拓本邵伯溫聞見後錄

言近年雒陽張氏發地得石十數而董道廣川書
跋記尚書存二百三十六字論語存三百五十七
字今此石已不知其何所歸而拓本之存於世者
因往往而有也

衛恒四體書勢序曰自秦壞古文有八體一曰大
篆二曰小篆三曰刻符四曰蟲書五曰摹印六曰
署書石曰殳書八曰隸書許慎說文用篆書爲
正秦時李斯號爲工篆諸山及銅人銘皆斯書也
漢建初中扶風曹喜少異於斯而亦稱善邯鄲淳
師焉略究其妙漢末又有蔡邕采斯喜之法爲古
今雜形然精密閑理不如淳也其所論者中郎之

篆爾不言及隸以今推之漢人之所通行者隸也
石經固有古文篆二體矣未知其出於何人若夫
中郎之作隸者蓋隨俗為之欲人易曉而已固不
若許叔重之一點一畫皆有根柢也故唐李陽冰
言蔡中郎以豐同豐按山字自後漢三公山碑武都太守李翕
西嶽碑等碑多已作豐不始於中郎也
李丞相將束為宋魯魚一惑涇渭同流而張參作
五經文字每言上說文下石經石經之文大抵其
變而從省者也省者謂之隸其稍繁而猶雜篆法
者謂之八分為八分者已不必能通六書之指矣
故韓退之贈張秘書詩云阿買不識字頗知書八
分而況於為隸為真以至於行草乎雖然古文之

變而為篆又變而為隸也五經之異同變而歸於
一也此亦勢之不得不然而中郎固適當其時者
也顏氏家訓曰世間小學者不通今古必依小篆
是正書言凡爾雅三蒼說文豈能盡得蒼頡本指
哉亦是隨代損益各有同異然則唐人試士必以
石經說文字林者蓋欲其兼古今之法而曉變通
之意乎

又按宋胡宗愈重刻漢石經記曰茲來少城得墜
刻於一二故家因以鑱之錦官西樓宇文紹奕跋
言給事內翰胡公旁搜博訪合諸家所藏得蔡中
郎石經四千二百七十字有奇以楷書釋之又得

古文篆隸三體石經遺字八百一十九竝鑿諸石
夫字至四千二百七十有奇三體之文又八百一
十九可謂多矣而成都兵火之後此石恐已不存
亦未見拓本

元吾邱衍學古編曰石經遺字碑會稽蓬萊閣翻
本破缺磨滅不異真古碑今無矣

豫州從事尹宙碑 八分書 熹平四年四月

今在焉陵縣豫字磨滅以其潁川人而言本州知
其為豫州也

其文曰君諱宙字周南其先出自有殷迺迄于周
世作師尹赫赫之盛因以為氏吉甫相周宣勳功

有章文則作順武襄於檢波子若詩列於風雅及

其玄孫言多世事景土載在史典秦兼天下侵暴

大族支判流僊或居三川或徙趙地漢興以三川

為潁川分趙地為鉅鹿故子心騰於楊縣致位執

金吾子孫以銀艾相繼在潁川者家于雋陵克繼

祖業牧守相亞君東平相之元會稽太守之曾富

波侯相之孫守長社令之元子也君體溫良恭儉

之德篤親於九族恂恂於鄉黨交朋會友貞賢是

與治公羊春秋經博通書傳仕郡歷主簿督郵五

官祿功曹守昆陽令州辟從事立朝正色進思盡

忠舉衡以處事清身以厲時高位不以為榮卑官

不以爲恥舍純履軌秉心惟常京夏歸德宰司嘉
焉年六十有二遭離寢疾熹平六年四月己卯卒
於是論功叙實宜勒金石迺作銘曰於鑠明德於
我尹君龜銀之胄奕世載勳綱紀本朝優劣殊分
守攝百里遺愛在民佐翼牧伯諸夏肅震當漸鴻
羽爲漢輔臣位不福德壽不隨仁景命不永早即
幽昏名光來世萬祀不泯

左氏襄公三十年傳有尹言多當周景王之世漢
書酷吏傳尹賞字子心楊氏人也以右輔都尉遷
執金吾卒官今碑曰楊縣按楊氏縣屬鉅鹿郡於
文不當省氏字也河東郡自有楊縣又鉅鹿之鹿

不當從金位不福德福字亦副字之誤

溧陽長潘乾校官碑 八分書 光和四年十月

宋趙彥衛雲麓漫鈔曰范曄後漢書永平十年閏
月甲午南巡狩幸南陽祠章陵日北至又祠舊宅
禮畢名校官弟子作雅樂奏鹿鳴帝自御塤箎和
之以娛嘉賓則東漢時縣有校官矣

都穆金薤琳琅曰碑在今南畿溧水縣學溧水即
漢溧陽地也有元至順四年單禧釋文考正碑文
與隸釋不同者十餘字

碑辭末云永世支百民人所彰子子孫孫俾爾熾
昌宋吳棫韻補引之作民人所瞻以證詩桑柔瞻

字可讀為彰今此碑正作彰字不知才老何所據而改為瞻也單禧跋云宋紹興十一年溧水尉喻仲遠得於固城湖濱置之官舍才老時此碑未出或指類文才老自注云三十卷本朝陶內翰穀所編錄之耳

中石神君碑并陰八分書光緒六年

今在無極縣後有燕元璽三年題名元璽慕容集號

郃陽令曹全碑并陰八分書中平二年十月

今在郃陽縣此碑萬歷中括地得之文字最為完好此洪氏所未見今錄其文於左

君諱全字景完檄煌效穀人也其先蓋周之曹武

王秉乾之機翦伐殷商既定爾勲福祿攸同卦弟叔振鐸於曹國因氏焉秦漢之際曹參夾輔王牟世宗廓土斥竟子孫遷於雍州之郊分止右扶風或在安定或處武都或家隴西或居燉煌枝分葉布所在為雄君高祖父敏舉孝廉武咸長史巴郡胸忍令張掖居延都尉曾祖父述孝廉謁者金城長史夏陽令蜀郡西部都尉祖父鳳孝廉張掖屬國都尉丞右扶風隃麋侯相金城西部都尉北地太守父琫少貫名州郡不幸早世是以位不副德君童齟好學甄極絳緯無文不綜賢孝之性根生於心收養季祖母供事繼母先意承志存亾之敬

禮無遺闕是以鄉人爲之諺曰重親致歡曹景完
易世載德不隕其名及其從政清擬夷齊直慕史
魚歷郡右職上計椽史仍辟涼州常爲治中別駕
紀綱萬里朱紫不謬出典諸郡彈枉糾邪貪暴洗
心同僚服德遠近憚威建寧二年舉孝廉除郎中
拜西域戍部司馬時疏勒國王和德弒父篡位不
供職貢君興師征討有吮膿之仁分醪之惠攻城
野戰謀若涌泉威卒諸賁和德面縛歸死還師振
旅諸國禮遺且二百萬悉以簿官遷右扶風槐里
今遭同產弟憂棄官續遇禁罔潛隱家巷七年光
和六年復舉孝廉七年二月除郎中拜酒泉祿福

荒詆賊張角起兵幽冀兗豫荆揚同時竝動而縣
民郭家等復造逆亂燔燒城寺萬民騷擾足裏不
安三郡告急羽檄仍至於時聖主諮訊羣僚咸曰
君哉轉拜郡陽令收合餘燼芟夷殘逆絕其本根
遴訪故老商量雋艾王敞王畢等恤民之要存尉
高年撫育鰥寡以家錢糴米菜賜癯育大女桃斐
等合七首藥神明膏親至離亭部史王宰程橫等
賦興有疾者咸蒙瘳快惠政之流甚於置郵百姓
緝負反者如雲戢治廡屋市肆列陳風雨時節歲
獲豐年農夫織婦百于戴恩縣前以河平元年遭
白茅谷水災害退於成亥之間興造城郭是後舊

姓及修身之士官位不登君乃閔縉紳之徒不濟
開南寺門承望華嶽鄉明而治庶使學者李儒欒
規程寅等各獲人爵之報廓廣聽事官舍廷曹廊
閣升降揖讓朝覲之階貴不出民役不干時門下
椽王敞錄事椽王畢主簿王歷戶曹椽秦尚功曹
史王顯等嘉慕奚斯考甫之美乃共刊石紀功其
辭曰懿明后德義章貢王庭征鬼方威布烈安歿
荒還師旅臨槐里感孔懷赴喪紀差逆賊燔城市
特受命理殘圯芟不臣寧黔首鮮官寺開南門闕
嵯峨望華山鄉明治惠霑渥吏樂政民給足君高
升極鼎足中平二年十月丙辰造

碑陰 故三老商量伯祺五百鄉三老司馬集仲
裳五百徵博士李儒文優五百故門下祭酒姚之
辛卿五百故門下椽王敞元方千故門下議椽王
畢世異千故督郵李譔伯嗣五百故督郵楊動子
豪千故將軍令史董溥建禮三百故郡曹史守丞
馬訪子謀不三錢故郡曹史守丞楊榮長孳故鄉晉
夫寧駿安雲故功曹任干子流故功曹曹屯定吉
故功曹王河孔達故功曹王吉子僑故功曹王時
孔良五百故功曹王獻子上故功曹秦尚孔都二
但一故功曹王衡道興故功曹楊休當女五伯故功
曹王衍文珪故功曹秦杼漢都干璉秦杼後一行但一璉字與都字並

故功曹王詡子宏故功曹杜安元進右上一層處士河

東皮氏岐茂孝才二百右超上一層書之故門下賊曹王詡

長河故主簿鄧化孔彥故市椽杜靖彥淵故市椽

王尊文憲故郵書椽姚閔升臺萌仲謀三字一行萌字與閔並口

宜二字一行與仲並元一行與宜並故市椽王右第二層建和故市椽

成播舉故市椽楊則孔則故市椽程璜孔休故

市椽扈安子安千故市椽高貞顯和千故市椽王

瓊季晦故門下史秦竝靜先右第三層右口口曹史高

廉口吉千口口部椽趙炅文高故塞曹史吳產孔

才五百故塞曹史杜苗幼始故法曹史玉文

故賊曹史趙福文祉故集曹史柯相文舉千故金

曹史精陽文亮故賊曹史王授文博起一行與博字並右第三層左

一義士河東安邑劉政元方千義士侯褒文憲五

百義士潁川臧就元就五百義士安平祁博季長

二百右第一層

按後漢書西域傳靈帝建寧元年疏勒王與漢大

都尉於獵中為其季父和得所射殺和得自立為

王三年涼州刺史孟佗遣從事任涉將敦煌兵五

百人與戊巳司馬曹寬西域長史張晏將焉耆龜

茲車師前後部合三萬餘人討疏勒攻楨中城四

十餘日不能下引去據此碑則寬當為全戊巳司

馬當為戊司馬而碑云和德面縛歸死則當日邊

臣虛上功狀而文人遂以飾之於碑者也

碑又曰續遇禁罔潛隱家巷七年光和六年復舉

孝廉此則全為黨錮中人而史傳闕之也

朱彞尊曰史載疏勒王臣磐為季父和得所射殺

而碑云和德弒父篡位德與得文亦不同

大女桃斐楊雄反離騷昔仲尼之去魯兮斐斐遲

遲而周邁師古曰斐斐往來貌也列仙傳江斐二

女則竟以為妃之異文

文選左思蜀都賦娉江斐與神遊吳都賦一斐於是往來五臣竝作妃其字亦

可作婁貞誥江

婁登淵而解佩按魏書刑法志有河陰縣民張智壽妹

容妃則固有以民間女而稱妃者

凡亭舍之去郡縣遠者謂之離亭猶曰離宮也其

在郭內者謂之都亭

此文乃王敞王畢等相與為之而自稱為俊艾無

乃自譽耶

處士者德行可尊之人義士則但出財之人而已

今人出財布施皆曰信士宋太宗朝避御名凡義

字皆改為信今之信士即漢碑所稱之義士也

尉氏令鄭君碑 八分書 中平二年

今在濟寧州儒學祇存數字碑陰列故吏處士人

名尚完

蕩陰令張遷碑 八分書 中平三年二月

今在東平州儒學

其文有云荒遠既殞者賓之誤中蹇於朝者忠之
誤而又有云爰既且於君則暨之誤古字多通而
賓方加夕已爲無理又何至以一字離爲二字也
歐陽趙洪三家皆無此碑山東通志曰近掘地得
之豈好事者得古本而摹刻之石遂訛謬至此耶

金石文字記卷之一終

金石文字記卷之二

漢

巴郡太守樊敏碑 八分書 建安十年三月

重刻本字甚拙惡

其文有云暫爲韓魏者析之異米巫凶虐者凶之
異歲在汁洽者協之異士女涕泠者零之異呂氏
春秋凶氣不入身無苛殃漢書藝文志星事凶悍
後漢書禮儀志大儺中黃門倡侏子和曰甲作食
凶廣韻凶即凶字古文 漢三公山碑攘去宓凶魏橫海將爾
軍昌君碑羣刑鼎沸並作北字
雅歲在未曰協洽史記歷書作汁洽天官書作叶
洽方言自關而東曰洽關西曰汁春秋文耀鉤黑

帝叶光紀周禮禮記注竝作汁周禮太史讀禮書而協事故書協作叶杜子春云叶協也書亦或爲協或爲汁大行人協辭命故書協作叶鄭司農云叶當作汁張衡西京賦五緯相汁五臣本作叶五經文字協字古文作叶而緯書有樂汁徵圖漢書五行志引洪範協用五紀字又作叶師古曰叶讀曰叶四字皆以十爲聲而從彡从口从水从日則各異耳尚書大傳其歌聲比余謠名曰哲陽注謂春厥民析則析之爲哲或亦可通用乎

執金吾丞武榮碑

八分書

無年月

今在濟寧州儒學殘缺婁機漢隸字源曰碑言遭

桓帝大憂哀隕而亾當是靈帝時也

王宏撰曰碑額漢故執金吾丞武君之碑十字作陰文凸起他碑所無

秦君碑

八分書

無年月

滕縣東四十里馬山後有古城半圯于河土中得此碑其文曰余聞湯武千載周孔異世以義相高况余天祿踐跡遵基竊慕揚善喟然而歎其鄙辭曰於穆秦君命世優邁承祖皇□裔出羣□紀行錄功必本其初惟君總角勵志仲尼從容六藝□佃疇升階英妙轉典蒸黎爲政崇博五教竝和仁賢叙位法依蕭何圉圉空虛鄉無逋逃凡百肅

雍莫不率從境內既寧路不資遺耕夫千畝餘種
不歸元清介白食茹拔葵三年有成嬰兒謠歌鼓
腹喜德踊躍嘔唏水靜魚集國富民繁戶增十倍
牧守孔嘉怒不斷刑寬不容非化准邠邵比翮而
飛永如南山不缺不虧略取大較丹書刻石垂示
後昆識者察焉

魏

公卿上尊號碑 八分書

拓本殘缺按此文當在延康元年而刻於黃初之
後

受禪碑 八分書 黃初元年十月

拓本

未按以上二碑並
在許州今現存

封孔羨碑 八分書 黃初元年

今在曲阜縣孔子廟中後人刻其下曰陳思王曹
植詞梁鵠書謬也

書輯五瑞作揖太皞作大皓三恪作恪

胡三省通鑑注曰漢平帝元始元年封褒成君孔
霸曾孫均為褒成侯奉孔子祀王莽敗失國光武
建武十三年復封均子志為褒成侯志子損和帝
永元四年徙封褒亭侯世世相傳至獻帝初國絕
魏文帝黃初二年封孔子二十一世孫羨為宗聖
侯邑百戶

宋書禮志曰漢以後天下送死奢靡多作石室石獸碑銘等物建安十年魏武帝以天下彫弊下令不得厚葬又禁立碑高貴鄉公甘露二年大將軍叅軍太原王倫卒倫兄俊作表德論以迷倫遺美云祇畏王典不得爲銘乃撰錄行事就刊於墓之陰云爾此則碑禁尚嚴後復弛替晉武帝咸寧四年又詔曰此石獸碑表既私褒美與長虛僞傷財害人莫大於此一禁斷之其犯者雖會赦令皆當毀壞至元帝大興元年有司奏故驃騎府主簿故恩營葬舊君顧榮求立碑詔特聽立自是後禁又漸頽大臣長吏人皆私立義熙中尚書祠部郎中

裴松之又議禁斷於是至今裴松之傳曰松之以世立私碑有乖事實上表陳之由是並斷以故終魏之世略無紀功迷行之文其立碑之見於史者惟田豫顏斐二人而晉世則扶風王駿魏舒羊祜杜預閻德唐彬稽紹丁紹范平立碑之事百有餘年亦僅七八見齊建武中范雲上表求爲太宰竟陵王子良立碑事竟不行其文載昭明太子選中所引亦止太宰褚淵丞相豫章王嶷二例若劉劭之生爲立碑安成王秀之四碑竝建史家書之以爲異事而自魏至陳文字之罕傳於後有繇然矣隋書禮儀志梁天監六年申明葬制凡墓不得造

石人獸碑唯聽作石柱記名位而已
又考漢末蔡中郎集中胡廣陳寔各三碑橋立楊
賜胡碩各二碑又袁滿來年十五胡根年七歲各
有碑夫一人而至二碑三碑冗矣殤子而爲之立
碑濫矣至於闕樓人獸之飾亦多在桓靈之世水
經注言闕寺擅權五侯暴世割剥公私以事生死
如荊州刺史李剛之石闕祠堂四壁隱起彫刻爲
君臣官屬龜龍麟鳳之文飛禽走獸之像宏農太
守張伯雅之引水入瑩域爲池沼蟾蜍吐水石湟
承潯蜀郡太守王子雅之石樓雙峙欒櫨承拱雕
簷四柱窮巧綺刻妙絕人工者爲葬薶之侈一至

於此繇上之人不爲之限制也然則魏武之禁其
可已乎

吳

紀功碑 皇象篆書 天璽元年

江寧府南天禧寺門外有石三段乃吳後主天璽
元年巖山紀功德石其文不全宋元祐六年轉運
副使胡宗師螯置漕臺後圍仍題其末今在府學
有起元曰府學中三段石碑按實錄吳天冊元年
吳郡臨平湖開又於湖邊得石函函中有小石青
白色長四寸廣二寸刻上作皇帝字於是改元天
璽立石刻於巖山紀吳功德其文乃東觀令華覈

作黃長睿東觀餘論曰皇象書人間殊少惟建康有吳時天發神讖碑若篆若隸字勢雄偉相傳乃象書也咸光續志云象書獨步漢末况體兼篆籀誠宜居周鼓秦刻之次魏鍾繇諸碑勿論也其石四方面背潤書各八行兩旁狹書□行其文書滿三方而虛其一辭雖不可讀其可識者百八十餘字首曰上天帝言次曰天發神讖曰天讖廣多曰將軍裨將軍關內侯曰詔遣中書郎曰章咸李楷賀□吳寵建業丞許□等十二人曰永歸大吳上天宣命曰文字炳胤曰在諸石上其後又別書曰蘭臺東觀令曰巧工九江曰吳郡曰東海夏侯此

蓋列與事之臣於正文之後猶秦碑刻制爾泰山碑似方非方四面廣狹皆不等正與此石類

晉葛洪曰吳之善書則有皇象劉纂岑伯然朱季平皆一代之絕手如中州有鍾元常胡孔明張芝索靖各一邦之妙竝用古體俱足周事

晉

太公呂望表 八分書 太康十年三月

今在汲縣西門太公廟

水經注曰縣故汲郡治城西北有石夾水飛湍濬急人亦謂之磻谿言太公常釣於此也今其文曰般谿之山明靈所託般即磻之異文

水經注又言縣民故會稽太守任宣白令崔瑗曰
太公生於汲舊居猶存君與高國同宗今臨此國
宜正其位以明尊祖之義遂立壇祀又言城北三
十里有太公泉泉上又有太公廟晉太康中范陽
盧無忌爲汲令立碑於其上此碑是无忌所立無
字作无而自稱爲太公之裔孫然則崔盧二姓皆
出太公其後人之門第可謂盛矣

表云其紀年曰康王六年齊太公望卒蓋壽百一
十餘歲宋三應麟困學紀聞謂尚書顧命稱齊侯
呂伋則成王之末伋已嗣太公爲齊侯以太公爲
康王時卒者非矣開寶中詔修先代帝王祠廟而

以鬻熊配文王召公配武王周公唐叔配成王太
公畢公配康王蓋因此碑而誤

蘭亭序 王羲之行書 永和九年三月

蘭亭序以定武本爲最佳其真者已不可得即宋
人重刻之本存於世者亦少惟京師國子監一石
爲諸家刻本之冠然不知其所自來元史周伯琦
傳言順帝以伯琦工書法命摹王羲之所書蘭亭
序智永所書千文刻石宣文閣中意此伯琦所摹
後人因閣廢而移於此也

王宏撰曰今又有東陽本不讓國子監本宣德間
何士英作兩淮鹽運使得之淮南井中穎上上黨

皆不及也

梁

上清真人許長史舊館壇碑 陶宏景正書

天

監十七年

今在句容縣茅山

碑首云弟子華陽隱居丹楊陶景宏造隱居手自

書前此未有列書人之名者此其始也

水經注漿口石門碑稱陳留邊

韶字孝先頌石銘李善注文選頭陀寺碑文云碑在鄂州題云齊國錄事參軍琅邪王巾制則作文人姓名前此已有書之者

其書

金陵地肺字作肺

瘞鶴銘 華陽真逸撰 正書

今在丹徒縣焦山下刻於崖石輟耕錄云須潮落

方可模故罕得其全文者歐陽文忠公以舊記稱

王羲之書為非又疑顧况號華陽真逸而此書類

顏太師沈存中則真以為况黃長睿東觀餘論謂

陶宏景嘗居華陽故自號華陽隱居

西清詩話云陶隱居外傳隱居號華陽真

人晚號華陽真逸宏景著書不稱建元直以甲子紀歲今此

銘曰壬辰日甲午壬辰梁天監十一年甲午十二

年也宏景以天監七年遊海嶽住會稽及永嘉至

十年還茅山十二年弟子周子良化去宏景為作

傳即十一年在華陽可知也董道書跋載南陽張

望所記云瘞鶴銘今存於焦山凡文章句讀之可

識及點畫之僅存者百三十餘字而所亾失者幾

五十計其完書蓋九行行之全者二十五字而首尾不預焉熙寧三年春余索其遺逸於焦山之陰偶得十二字於亂石間石甚迫隘偃臥其下然後可讀故昔人未之見而世不傳其後又有丹陽外仙江陰真宰八字與華陽真逸上皇山樵似是真侶之號余於崖上又得唐人詩詩在貞觀中已列銘後則銘非顧况可知矣今考此銘字體與舊館壇碑正同其為隱居書無疑予友淮陰張弢以下未十月探幽山下復得七字云惟寧之上有厥土二字華亭之上有爽塏勢掩四字其右題名徵下有君字皆昔人之所未見也

後魏

孝文皇帝弔殷比干墓文

正書

太和十八年十一月

一月

今在汲縣北十五里比干墓上魏書劉芳傳高祖遷雒路由朝歌見殷比干墓愴然悼懷為文以弔之芳為注解表上之即此文也

此碑字多別構如葭為蕝蔽為藜菊為藥寔為寔箕子為箕子往為住厥為厥邇為亶顛為巔辛為柔因為回桴為柝鞠為鞞曳為曳芙蓉為狀容葩為葩漂搖為灑颺慮為慮螭為螭齋為齋帶為帶訴為訴離為鷄溜為溜俯為府闔為闔駟虞為駟

驥隨為隨轡為纏吸為歛闕為闕睇為睇不可勝
 記顏氏家訓言晉宋以來多能書者故其時俗遽
 相染尚所有部帙楷正可觀不無俗字非為大損
 至梁天監之間斯風未變大同之末訛替滋生蕭
 子雲改易字體邵陵王頗行偽字前上為草能旁
 作長之類是也朝野翕然以為楷式畫虎不成多
 所傷敗爾後墳籍略不可看北朝喪亂之餘書迹
 鄙陋加以專輒造字猥拙甚於江南乃以百念為
 憂言反為變不用為罷追來為歸更生為蘇先人

為老如此非一徧滿經

傳

追來為歸見穆子容太公碑作陳先人為老見張猛龍碑作老更生為蘇

今人猶用之 胡三省通鑑注引宋景文平記曰北齊時里俗多作偽字始以巧言為所至隋有極言其字又以玩易巧矣 因學統聞亦引此又云以

文字為學

今觀此碑則知別體之興自是當時風氣而孝

文之世即已如此不待喪亂之餘也江式表云皇

魏承百王之季世易風移文字改變篆形錯謬隸

體失真俗學鄙習復加虛巧談辨之士又以意說

炫惑於時難以釐改後周書趙文深傳太祖以隸

書紕繆命文深與黎景熙沈遐等依說文及字林

刊定六體成一萬餘言行於世蓋文字之不同而

人心之好異莫甚於魏齊周隋之世別體之字莫

多於此碑雜體之書莫過於李仲璇而後之君子

旋覺其謬自唐時國子監置書學博士立說文石

經字林之學而顏元孫作千祿字書張參作五經

文字唐玄度作九經字樣天下之文始漸歸于一矣顧以此二碑出于千歲之遠而與孔壁之文蘭臺之典同什襲而寶之豈不可笑也哉雖然此碑不傳則唐人正字之功不得而著乎千載也存之以示後人使知趣舍云爾

又考魏書道武帝天興四年十二月集博士儒生比衆經文字義類相從凡四萬餘字號曰衆文經太武帝始光二年三月初造新字千餘頒之遠近以爲楷式天興之所集者經傳之所有也始光之所造者時俗之所行而衆文經之不及收者也則知說文所無後人續添之字大都出此三國志注

引會稽典錄言孫亮時有山陰朱育依體像類造作異字千名以上是別撰之字自漢而有矣

磚浮圖石蓋銘 正書

嵩山會善寺掘地得此石蓋銘曰神龜三年七月三日魏故太傅侍中太尉公清和王薨世子元亶字子亮次子元紀字子開奉爲建七層磚浮圖一區敢用頂髮及諸雜寶上塔追誠崇敬千載弗忘謹銘函蓋今存寺中元紀當是元啓

魯郡太守張猛龍碑并陰 行書 正光三年正月

今在曲阜縣孔子廟其陰書陽原縣義士州主簿王人生造頌文多剥缺

中嶽嵩陽寺碑銘

八分書

天平二年四月

今在嵩山會善寺未有正書一行曰大唐麟德元年歲次甲子九月景午朔十五日庚申從嵩陽觀移來會善寺立

碑文東作束矩作短潛作濳馴作巡啄作冢洋作庠驚作務惟皇帝太后不跳行不空闕猶存古式冢字三見曰法身凝冢曰虔禮禪冢曰至冢至妙廣韻冢與寂同莊子注取其冢寔無情耳冢音寂本亦作寂

葉封嵩陽石刻集記曰此碑上截刻佛相雕鏤層疊佛相隆起餘地鐫平此文刻於下截當碑四分

之一其字之上方又刊空方六寸許深入二寸許其規製亦迥異於後代也北齊諸碑亦率類此

李仲璇修孔子廟碑并陰 興和三年十二月
今在曲阜縣廟中

魏書李仲璇傳除車騎大將軍兗州刺史仲璇以孔子廟牆宇頗有頽毀遂脩改焉即此碑也其文一行之中有篆有分有隸有草雜亂無倫而或者以爲奇然則作詩者亦當一句騷一句漢魏一句選一句律而後爲奇也此愚之所不解也引禮記梁木其摧作良木尤誤

太公呂望碑 穆子容撰 正書 武定八年四月

今及汲縣西北三十里太公廟

北史言子容少好學無所不覽求天下書逢即寫錄所得萬餘卷魏末爲兼通直散騎常侍聘梁齊受禪卒於司農卿

其辭曰作其辭粵古曰字與日同一書法故變其文爲粵欲讀者之易曉也

驪山溫泉頌 正書

今在臨潼縣

北齊

石刻佛經 天保二年

朱彛尊記曰太原縣之西五里有山曰風峪風峪

之口風穴存焉相傳神至則穴中肅然有聲風之所從出也愚者捧土塞穴建石佛于內環列所刻佛經凡石柱一百二十有六積歲既久虺蝎居之雖好遊者弗敢入焉丙午三月予至其地率土人燎薪以入審視書法非近代及及徘徊久之惜皆掩其三面未獲縱觀其全也由唐以前書卷必事傳寫甚者編韋續竹截蒲葺桺而浮屠之言亦惟山花貝葉綴集成文學者於時窮年筆札不能聚其百一難矣石經肇自蔡邕歲久淪缺至唐鄭覃周墀復勒於京兆後唐長興中始更傳寫爲雕印舍至難而就至易由是書籍日以盛顧世之學者

忽其易反或束而不觀何與豈其所謂日盛者乃
其所以衰與北朝之君臣崇奉釋氏故石刻經像
在處多有今佛宮所棲少者百人多者數千人然
通其旨者率以語言文字為無用見講說佛經往
往鄙置不屑嗚呼佛之說雖異於吾儒要皆彼國
中之先生長者也既用其法盡棄其先生長者之
言果何如哉九經之文在西安府學儒者雖不能
盡觀而得之者咸知愛惜至風峪所藏其徒雖繁
莫有顧焉者矣是則釋氏之無人不尤甚於吾道
之衰也夫

又曰通鑑載後唐劉后與李存渥奔晉陽李彥超

不納存渥走至風谷為其下所

殺北夢瑣言載此正作風谷胡三省

注風谷當作嵐谷唐長安三年分宜芳縣置嵐谷

縣屬嵐州非也風谷即風峪北人讀谷為裕俗竝

加山作峪

按北齊書段韶傳突厥從北結陣而前東距汾河
西被風谷大唐創業起居注煬帝於樓煩置宮因
過太原取龍山風谷道行幸則風谷之名已著於
前代矣

相里寺碑八分書天保三年正月

今在汾陽縣太相里崇勝寺碑刻佛像其下方及
兩旁皆題名碑陰有文并頌一迪漫滅

孔子廟碑 八分書 乾明元年

今在曲阜縣廟中字剥落不可辨

孝子郭巨墓碑 正書 武平元年正月

拓本其文曰開府中兵參軍梁恭之盛工篆隸騎

兵參軍申嗣邕微學摘藻則此碑文嗣邕撰恭之

書乃後人列名之權輿也

少林寺碑 正書 武平元年正月

今在本寺大殿前刻佛像與相里寺碑製略同書

法甚劣齋字作齋

會善寺大殿前有武平七年十一月造像記其製

亦同是年十二月改元隆化其明年國亡矣

南陽寺碑 八分書 武平四年六月

今在青州府北門外龍興寺

龍門山造像記 正書 武平六年六月

維陽西南二十五里伊闕山亦謂之龍門左傳謂

之闕塞 昭二十六年 兩山相對伊水出其中泉出石竇下

注于伊固昔日神都名勝之地後魏胡太后崇信

浮屠鑿崖為窟中刻佛像大者丈餘凡十餘處後

人踵而為之尺寸可磨悉鑿佛像至於今未已蚩

蚩之氓謂鑿佛之功可得福報而其出於女子者

尤多余嘗過而覽之既不可徧惟此武平六年者

書法差可畫方格如碁局而其半亦已磨滅唐人

則多總章以後及武后年號乃知魏齊唐三代之時無非女主爲之崇飾耳

按魏書宣武帝景明元年詔大長秋卿白整準大京靈巖寺石窟於雒南伊闕山爲高祖文昭皇太后營石窟二所初建之始窟頂去地三百一十尺至正始二年終始斬山二十三丈大長秋卿王質謂斬山太高費功難就奏求下移就平地去一百尺南北一百四十尺又言永平中中尹劉勝奏爲帝復造石窟一凡爲三所其所謂大京靈巖寺者在魏舊都平城今大同府城西三十里雲岡堡巖上刻佛像無數是其作俑也

周

華嶽頌 万紐于瑾撰 趙文淵八分書 天和一年十月

今在華陰縣西嶽廟

其結銜曰使持節驃騎大將軍開府儀同三司大都督司宗治內史臨淄縣開國公万紐于瑾造此文車騎大將軍儀同三司縣伯大夫趙興郡守白石縣開國男南陽趙文淵字德本奉勅書余所見碑撰人書人列名者始此其陰爲唐刻華嶽精享昭應之碑而左右旁各有題名別見於後
万紐于瑾者唐瑾也後周書本傳時燕公于謹勲

高望重朝野所屬白文帝言瑾學行兼修願與之
同姓結爲兄弟庶子孫承其餘論有益義方文帝
歎異者久之賜瑾姓万紐干氏又云封姑臧縣子
以平江陵功進爵爲公而不言臨淄者史闕也李
昶樂運傳竝云臨淄公唐瑾

又曰趙文深字德本少學楷隸雅有鍾王之則筆
勢可觀當時碑榜唯文深及冀隲而已太祖以隸
書紕繆命文深與黎景熙沈遐等依說文及字林
刊定六體成一萬餘言行於世及平江陵之後王
褒入關貴遊等翕然竝學褒書文深之書遂被遐
棄文深慙恨形於言色後知好尚難反亦攻習褒

書然竟無所成轉被譏議謂之學步邯鄲焉至於
碑榜餘人猶莫之逮王褒亦每推先之宮殿樓閣
皆其迹也其書歷官與此碑悉同其以淵爲深者
避唐諱耳

又達奚武傳武之在同州也時屬天旱高祖勅武
祀華嶽嶽廟舊在山下常所祈禱武謂僚屬曰吾
備位三公不能燮理陰陽遂使盛農之月久絕甘
雨天子勞心百姓惶懼忝寄既重憂責實深不可
同於衆人在常祀之所必須登峰展誠尋其靈輿
嶽既高峻千仞壁立巖路嶮絕人跡罕通武年踰
六十唯將數人攀藤援枝然後得上於是稽首祈

請陳百姓懇誠晚不得還即於獄上藉茅而宿夢見一白衣人來執武手曰快辛苦甚相嘉尚武遂驚覺益用祇肅至旦雲霧四起俄而澍雨遠近霑洽高祖聞之璽書勞武賜雜綵百匹按武以保定三年出為同州刺史天和三年轉太傅則此碑正其在州時立也

後周改華州為同州

豆盧恩碑 八分書

今在咸陽縣

碑云恩字永恩今北史附見其兄豆盧寧傳但言永恩而闕其名其歷官與傳略同後半漫滅不可讀

隋

天龍山碑 八分書 開皇五年

今在太原縣天龍寺

龍藏寺碑 張公禮撰 正書 開皇六年十二月

今在真定府龍興寺大殿內其後為天寧閣九間五層高一百三十尺中有銅觀世音像高七十二尺四十二臂各有所執之物俗謂之大佛寺也碑為隋開皇六年恒州刺史鄂國公金城王孝儉立而其末乃云齊開府長兼行參軍九門張公禮撰齊亾入周周亾入隋而猶書齊官蓋君子之能不降其志而其時之人亦不以為非也其書踐阼為

踐祚何人為河人伽藍為伽藍懷為壞五臺為吾
 臺則理之不可通者疑為後人模刻之誤又宋歐
 陽公集古錄云龍藏寺已廢此碑今在常山府署
 之門此嘉祐八年所書而龍興寺乃乾德元年建
 據文忠集錄之日碑尚不在龍興與此其徒置之由
 已不可問金雞琳環曰寺在隋名龍藏區公謂寺廢與碑在常山府署蓋未嘗親歷其地故誤書耳惟其大書
 齊官則必非後人之所加也余考顏之推仕歷周
 隋而其作家訓猶謂梁為本朝蓋同此意其時南
 北分疆與凶迭代為之臣者雖不獲一節以終而
 心之所主見于稱名之際者固較然不易如此然
 則今人之不及古者又豈獨書法之陋文字之訛

而已哉

大戴禮武王踐阼禮記曲禮踐阼臨祭祀正義曰
 踐履也阼主人階也天子祭祀升阼階履主階行
 事故云踐阼也文王世子篇成王幼不能涖阼周
 公踐阼而治注踐履也代成王履阼階方氏曰涖阼臨朝也阼者主人

所有事之階故適丁冠於阼以著代繼體之君臨朝之事謂之踐阼

史記漢文帝紀辛亥皇帝

即阼正義曰主人階也古時殿前兩階無中間道
 故以阼階為天子之位王莽傳引書逸嘉禾篇云
 周公奉鬯立于阼階隋書載北齊邢子才議曰君
 位在阼階故有武王踐阼篇啖氏春秋傳曰凡天
 子崩諸侯薨既殯而嗣子為君康王之誥是也未

就阼階之位來年正月朔日乃就位南面而改元
春秋所書是也公即位者即阼階之位也韓文公
集元和聖德詩皇帝即阼方崧卿注謂東階也或
作祚非

安喜公李使君碑 八分書 開皇十七年二月
今在馬嵬堡北五里

趙嶠曰碑獨闕使君名而有季父口之口之見魏
書使君封安喜縣公官亦不卑而隋書無傳不可
考

同州塔銘 八分書 仁壽元年十月
今在同州

其文曰維大隋仁壽元年歲次辛酉十月辛亥朔
十五日乙丑皇帝普為一切法界幽顯生靈謹於
同州武鄉縣大興國寺奉安舍利敬造靈塔願太
祖武元皇帝元明皇后皇帝皇后皇太子諸王子
孫等并內外羣官爰及民庶六道三塗人非人等
生生世世值佛聞法永離苦空同昇妙果

故法寺碑 周彪撰 丁道護正書 仁壽二年十
二月

拓本

李淵為子祈疾疏 行書 大業二年正月
今在鄠縣草堂寺

榮澤令常醜奴墓志 正書 大業三年八月

今在興平縣崇寧寺

墓之有誌始自南朝南齊書云宋元嘉中顏延之作王球石誌素族無碑策故以紀德自爾以來王公以下咸共遵用今之傳於世者惟此及梁羅二志為隋代之文爾

梁任昉撰文章緣起謂誌墓始晉殷仲文隸釋謂東漢已有墓碑昉未之見也周必大得光武時梓潼扈君墓勳撫脫隸書而非鐫也以此知東漢誌墓初猶用勳久方刻石今謂起於江左者疑亦禁碑之後至晉末復勳為之而名曰誌耳

鷹揚郎將義城子梁羅墓誌 正書 大業四十八

月

今在西安府城外杜曲古人之字未必皆工而後人貴之者以其所從來遠也此志正書猶帶八分凡隋以前之書法多如此而書志之人未必其通文義也鷹揚之字出詩大明之篇而此志前作陽後作揚宣政元年周武帝之號而書作正汪汪萬頃作傾羽儀作議降疾不瘳作抽與乾坤而齊固作個禁旅之禁作樊樊川之樊亦作樊此皆文理之至謬豈可以其出于古而不論哉

志云大漸之期春秋六十有一按大漸出書顧命

疑非人臣之所宜稱然列子書言季梁得疾七日
大漸則固已通用之矣漢蔡邕作太傅胡公夫人
靈表云皇姑沒而中感遂大漸今速流議郎胡君
夫人哀讚云疾大漸以危亟齊王儉作褚淵碑文
云景命不永大漸彌留任昉竟陵文宣王子良行
狀云大漸彌留話言盈耳梁沈約安陸昭王緬碑
文云遘疾彌留歎焉大漸唐王紹宗作王徵君臨
終口授銘云吾六兄同人見疾大漸惟幾盧藏用
蘇許公碑文亦云大漸之始遺令遵行

陳明府修孔子廟碑

仲孝俊撰

八分書

大業

七年七月

今在曲阜縣廟中

左元祿大夫姚辨墓志銘

虞世基撰

歐陽詢正

書

大業七年十月

拓本按此銘金薤琳琅載其全文闕四十餘字今
予所得本全

智永千字文

今在西安府儒學一行正書一行草書宋大觀已

丑刻

唐

秦王告少林寺主教 行書

今在寺中其文刻於裴濯碑之上方首曰太尉尚

書令陝東道益州道行臺雍州牧左右武侯大將軍使持節涼州總管上柱國秦王王字為後人鑄去世民告柏谷塢少林寺上座寺主以下徒眾及軍民首領士庶等柏谷塢王世克建為蕪州少林寺牒云武德四年四月廿七日衆僧等翻蕪州城歸國末曰四月卅日按舊唐書太宗紀高祖受禪拜尚書令右武侯大將軍進封秦王加授雍州牧武德元年冬拜太尉陝東道行臺尚書令尋加左武侯大將軍涼州總管二年加拜益州道行臺尚書令七月總率諸軍攻王世充於洛邑則此乃四年之四月卅日也其五月丙寅則世充降而河南平矣世民二字草書特大乃太宗親書

又按金石錄載唐太宗賜少林寺教書八分書武德二年與此不同或別是一教

宗聖觀記 歐陽詢撰序 陳叔達撰銘 八分書

武德九年二月

今在整屋縣樓觀大殿前

皇甫誕碑 正書

今在西安府儒學萬歷中亭圮壓碑中斷

題曰隋柱國左光祿大夫宏義明公皇甫府君碑
銜曰銀青光祿大夫行太子左庶子上柱國黎陽縣開國公于志寧製銀青光祿大夫歐陽詢書皇
甫君以仁壽四年九月卒而不書立碑年月按舊

唐書于志寧傳貞觀三年累遷中書侍郎太宗命
貴臣殿內宴怪不見志寧或奏曰勅召三品以上
志寧非三品所以不來太宗特令預宴即加授散
騎常侍行太子左庶子累封黎陽縣公則此碑貞
觀初立也其不書年者不以隋臣而蒙唐號也

隋字作隨虞世南孔子廟堂碑歐陽詢九成宮醴
泉銘王知敬李衛公碑高宗李英公碑天后順陵
碑于敬之華陽觀王先生碑裴灌少林寺碑皆然
當日金石之文二字通用自司馬溫公作通鑑以
後始壹用隋字而水經注湏水東南逕隋縣西隋
字作隋則知此自古人省筆之字謂文帝始去彡

而為隋者未必然也

杜氏通典武德九年六月太宗居春宮總萬機下
令曰依禮二名不偏諱今具官號人名及公私文
籍有世及民兩字不連讀者竝不須諱避此碑中
有世子及民部尚書字

函州昭仁寺碑 朱子奢撰 正書 貞觀四年十

月

今在長武縣距邠州西八十里唐太宗與薛舉戰
爭之地按舊唐書太宗紀貞觀三年十二月癸丑
詔建義已來交兵之處為義士勇夫殞身戎陣者
各立一寺命虞世南李百藥褚亮顏師古岑文本

許敬宗朱子奢等爲之碑銘以紀功業此其一也
孔子廟堂碑 正書 貞觀四年

今在西安府儒學

其書銜曰太子中舍人行著作郎臣虞世南奉勅
撰并書司徒并州牧太子左千牛率兼檢校安北
大都護相王旦書碑額相王旦者睿宗也舊唐書
宣宗大中五年十一月國子祭酒馮審奏文宣王
廟碑始太宗立之睿宗篆額加大周二字蓋武后
時書也請琢去偽號從大唐字從之此大周字削
而相王之銜獨存也其末曰永興軍節度管内觀
察處置等使王彥超再建則元碑已亾此重刻也

此碑與皇甫誕碑竝書胥爲肯廣韻胥俗作肯然
考之漢人如韓勅孔廟禮器碑桐柏淮源廟碑司
空宗俱碑巴郡太守張納碑竹邑侯相張壽碑戚
伯著碑金廣延母徐氏碑殺阬祠碑陰楊震碑陰
及魏公卿上尊號奏北齊南陽寺碑固已書爲肯
矣漢人碑亦或作肯後周華嶽頌作肯故李善注枚乘七發以通厲骨母
之塲爲胥母之誤而堦字一傳爲堦再傳爲堦三
傳爲聶四傳爲聶皆胥之變也

詩有女同車釋文堦音細字林作堦戰國策韓且坐而胥

亾乎王胥臣之反而行竝作聶書大傳不愛人者及其胥餘作聶晉書五行志淪聶於北音義聶息魚反張駿傳有黃龍見於揖次之嘉泉呂光載記迎大豫於揖次音義揖子魚反次音恣漢書地理志武威郡有揖次縣此皆胥字之誤漢仙人唐公房碑堦字作聶晉王右軍帖有女聶字其書
幕爲莫笑爲笑覆篲爲覆匱荆爲荆歌爲哥其字

或通或俗而及之為反則重刻者誤也

臨淄郡公房彥謙碑 李百藥撰 八分書 貞觀

五年三月

今在章邱縣西南七十里趙山之陽彥謙唐相玄齡之父金石錄以為歐陽詢書

房彥謙高祖法壽自宋歸魏封壯武侯子孫承襲魏隋唐三書皆同獨碑作莊武按漢膠東國有壯武縣文帝封宋昌為壯武侯正義曰括地志云壯武故城在萊州即墨縣西六十里後漢志壯武故夷國左傳隱元年紀人伐夷是也賈復傳封膠東侯食郁秩壯武等六縣晉張華亦封壯武侯字竝

作壯獨此碑與左傳杜氏注作莊

化度寺邕禪師塔銘 李百藥撰 歐陽詢正書

貞觀五年十一月

拓本

九成宮醴泉銘 魏徵撰 歐陽詢正書 貞觀六

年四月

今在麟遊縣舊唐書本隋之仁壽宮太宗改為九成宮是也

虞公溫彥博碑 岑文本撰 歐陽詢正書 貞觀

十一年十月

今在醴泉縣殘缺

冊府元龜貞觀十一年二月丁巳詔曰佐命功臣
義浚舟楫或定謀帷幄或身摧行陣同濟艱危克
承鴻業追念在昔何日忘之使逝者無知咸歸寂
寞若營魂有識還如疇曩居止相望不亦善乎漢
氏使將相陪陵又給以東園秘器篤終之義恩意
浚厚古人之志豈異我哉自今已後功臣密戚德
業尤著如有薨亾宜賜塋地一所及秘器使其窆
窆之時喪事無闕所司依此營備稱朕意焉二十
年八月丁亥詔曰周室姬公陪於畢陌漢庭蕭相
附彼高園寵賜墳塋聞諸上代從窆陵邑信有舊
章蓋以懿戚宗親類本同之枝榦元功上宰猶在

身之股肱哀榮之義實隆始終之契斯允今宜聿
遵故實取譬拱辰庶在烏耘之地無虧魚水之道
宜令所司於昭陵南左右廂封境取地乃即標識
疆域擬爲葬所以賜功臣其有父祖陪陵子孫欲
來從葬者亦宜聽允

醴泉縣志曰昭陵諸碑若文皇后碑止存屬鼉長
孫無忌碑存而字盡滅其碑字尚有存者僅二十
一片房元齡存五百餘字褚遂良書高士廉存三百餘字

許敬宗撰
趙模書

段志元存八百餘字張後允馬周蘭陵公

主各存六百餘字

公主碑李義府撰
段仲容八分書

姜遐許洛仁各存

九百餘字

姜碑姪卿
公晞撰書

孔穎達存千字

志

阿史那忠崔

敦禮各存七百餘字

崔碑于志寧撰于立政書

豆盧寬存四百字

李義府撰

薛收張阿難監門將軍王君各百餘字徒存形似

唯唐儉存字千一百乙速孤行儼存字千四百

義旌八分書

李靖存字千五百

計敬宗撰王知故書

李勣存字千八百

高宗御製御書

乙速孤昭祐存字二千五百

苗神谷撰釋行滿書

又一

碑存字百五六十可辨而前有蘭陵公主字中有

詔詞曰第十九女則公主或首二碑不可知此崇

禎十一年苟好善所修志云又二十六年而余至

陵下時值雪後空山無人未及徧訪僅見李衛公

一碑其下截俱剝去後又購得四五碑皆然且有

并其碑而仆之者矣

趙嶠曰萬曆戊午四月余為九峻之遊距昭陵十

里宿高生儼家翼日同行北一里許得許洛仁碑

又北半里許得薛收碑似昭仁寺碑駸駸有伯施

法折而西一里許為趙村村有廣濟寺寺後石鼓

唐人書尊勝經咒精健絕倫止存十三從趙村北

行里許為莊河村未至先于道旁冢得姜遐斷碑

至村則有段志玄碑東行數十步有監門將軍王

君碑橫於田間又東行數十步一碑無字亦無冢

蓋土人平之而并磨其碑耳以圖考疑是長孫無

忌碑又東行半里許為劉洞村流水界之渡而東

有房梁公元齡碑褚河南正書又東數十步有高

士廉碑又東數百步有李靖碑撰書姓氏殘缺與諸碑同而上半完好靖家作三山形文皇以象其功上人謂上三家李勣家亦如靖土人謂下三家二家南北相去不二里勣碑高宗御書高二丈餘嶄然屹立與溫彥博碑搨者甚多土人捶其字殆盡彥博碑在靖碑北數十步歐陽詢書書法視皇甫九成化度三碑最爲得中而不復可搨至西峪村村東南古冢相連有褚亮碑阿史那忠碑張後允碑孔穎達碑豆盧寬碑張阿難碑鱗次都不百步書與段姜等碑皆有法而孔碑極類虞伯施但結構小疎昔人謂爲伯施書非也穎達卒在世南

後當是習世南者書之爾既而又得蘭陵公生碑于老軍營之西北得馬周碑于狗村之東得唐儉碑于小陽村之北又得崔敦禮碑又有尉遲敬德碑自額以下埋土中間十五年前令芮質田掘而搨數十紙余出之了無一字又山半數冢土人謂宰相墳仆一碑傳是魏鄭公碑其東山半數冢土人謂亂冢坪仆二左余皆起之則與尉遲碑同蓋土人捶而仆且唐登七又明日登山謁昭陵有六馬皆以片石刻其半左右各三陵北四十五里叱于村村東二冢一爲乙速孤昭祐碑苗紙客撰釋行滿正書一爲乙速孤行儼碑劉憲撰曰羲暉八

分書地僻搦者少故得稍完

褒公段志玄碑正書貞觀十六年

今在醴泉縣殘缺

京師至德觀主孟法師碑岑文本撰褚遂良正

書貞觀十六年五月

拓本

贈比干太師諡并祭文薛純施八分書貞觀十

九年二月

今重刻在術輝府

舊唐書太宗紀貞觀十九年二月贈殷比干為太

師諡曰忠烈命所司封墓葺祠堂春秋祠以少牢

上自為文以祭之

晉祠銘太宗御製并書行書貞觀二十一年

七月

祠在今太原府西南四十里距今太原縣八里而

今縣則古晉陽之故址唐時為并州為北都為河

東節度使治昔人立廟於此以祀唐叔考之北齊

書已有其名而唐高祖起兵嘗禱于此冊府元龜

太宗貞觀二十年正月幸晉祠樹碑製文親書之

於石今存祠中蓋昔之并都甚大祠去城三四里

爾在懸甕山之麓晉水之所發源後人於此引池

結亭架橋其上林水翳然足為一方之勝其廟負

山而東面者晉水之神南面者唐叔之神後晉天
福六年封唐叔爲興安王臺駘爲昌寧公而宋時
又封晉水爲顯靈昭濟聖母飾爲婦人之像今之
人但言聖母而不復知有唐叔爲古先有土之君
矣水經注云昔智伯遏晉水以灌晉陽後人踵其
遺蹟蓄以爲沼沼西際山枕水有唐叔虞祠水側
有涼堂結飛梁於水上北史薛孝通曾與諸人同
詣晉祠皆屈膝盡禮孝通獨捧手不拜顧而言曰
此乃諸侯之國去吾何遠恭而無禮將爲神笑是
則當時之所祀者唐叔非水神也祠前蓮花臺上
有鐵人四一紹聖四年一五年造俱完一宏治十

一年二無年月俱壞今之工不及古也

碑陰字體不一其上右方云司徒太子太師上柱

國趙國公臣無忌太子太保上柱國宋國公臣堦

尉進太子詹事兼左衛率上柱國英國公臣勣光

祿大夫刑部尚書上柱國鄖國公臣張亮禮部尚

書上柱國江夏郡王臣道宗太常卿駙馬都尉柱

國安德郡公臣楊師道正議大夫守中書令太子

左庶子兼攝吏部尚書護軍臣馬周凡七行皆當

日書者其餘則皆宋人續題錯亂無次其空處又

有洪武二年行省參知政事楊憲題而絕無一唐

人題者以御書之碑不敢擅刻也

東軒筆錄呂升卿爲京東察訪游泰山題名於

真宗御製封禪碑之陰刊刻本傳於四方後二年升御判監
監會察承禧為御史言其題名事以為大不恭遂罷升御判監
唐人之題固纍纍也 他碑則

舊唐書東夷傳新羅王真德遣其弟國相伊贊于
金春秋及其子文正來朝春秋請詣國學觀釋奠
及講論太宗因賜以所製溫湯及晉祠碑并新撰
晉書將歸國令三品已上宴餞之

淤泥禪寺心經

正書

貞觀二十二年三月

今在京師城內西南隅秀峰寺其末曰大唐占觀
二十二年三月吉日建立誤作三十二以三字改
成式字按貞觀止於二十三年此碑疑是後人偽
刻然予見兗州龍興寺修三門記宋太平興國七

年刻亦以八字改成七字古人碑碣之文亦有草
率若此者此碑又曰官官張功謹敬德監造今山
東河北寺院多云創目敬德或謂是尉遲敬德非
也敬德名恭考許敬宗所作神道碑及本傳竝無
鎮幽州事亦不當列於官官之下也又史言尉遲
敬德晚年閑居學延年術修飾池臺奏清商樂以
自奉養不交通賓客凡十六年而不聞其事佛
國子祭酒孔穎達碑 于志寧撰 正書 貞觀二
十六年

今在醴泉縣殘缺

梁公房元齡碑

褚遂良正書

今在醴泉縣

今在醴泉縣

金石文字記卷之二終

自秦燬不交通覽卷八十六年而不詳其書

漢書卷八十六年而不詳其書

漢書卷八十六年而不詳其書

漢書卷八十六年而不詳其書

漢書卷八十六年而不詳其書

漢書卷八十六年而不詳其書

漢書卷八十六年而不詳其書



律